

北洋官報

目錄

宮門抄
交旨
奏議○外務部奏呈石印大清會典請頒賞摺△郵傳部奏遼京漢路動用借款報銷摺△又奏接收萍漢鐵路橋案圖契摺
公摺○農工商部札一件△運司詳一件△造幣廠詳一件
件△商人晉有半票一件△豫撫札一件
文告五則△電報七則△新聞十三則
彙編○山西自治研究所簡章△又自治講習所簡章△川省商業註冊章程
戊申官報目錄

本報向於三六九日附送圖畫一頁自遭 國制暫行停送現在百日期滿已於初六日起仍照舊例隨報附送

本局 第九十期 法政學報 已出

宮門抄

二月初七日 法部 大理院 廂紅旗值日 開復廣東道李家焯謝 恩 新授湖北知府桂蔭謝

恩 克王 毓隆各續假十日 趙炳麟 顧祖彭各伺候 召見 召見軍機 李家焯 桂蔭 趙炳麟 顧祖彭 張世培葉芾棠各遞封奏一件

交旨

二月初七日 軍機大臣欽奉

諭旨御史葉芾棠奏舉劾失實擬請明定處分一摺著會議政務處吏部議奏欽此

諭旨御史張世培奏京師警廳裁併宜核實辦理一摺著民政部按照該部原奏辦法核實整頓具奏該御史原摺

著民政部知道欽此

奏議錄要

外務部奏恭呈石印 大清會典并請

頒賞摺

奏爲石印 大清會典書成恭呈

御覽並開列

頒賞各清單仰祈

聖鑒事光緒二十八年正月初十

日准軍機處片交本日軍機大臣面奉

諭旨所有續修大清會典全部共三百四十二函著內閣交外務部

照原本石印進呈欽此當由內閣派員將全書齎送到部經臣等派員將原本貼黃之處另行繕寫校對妥協查有

上海商務印書館移設京師與官書局合辦所印各種圖書均屬精美因卽飭令該商妥辦取具承攬合同將漢字

本付印五百部價銀十萬兩限二年竣工字樣大小一以石印

欽定尙書圖說爲準至本數多寡視原函稍

有變通所有工料價銀暫由臣部先行墊發已於光緒三十二年五月初二日奏明在案現據該書局將全書刷印

完竣裝潢成帙運送到部復經詳細檢查全書共五百部每部八十二函字樣大小以及紙張等項均與原訂合同

相符印造尙屬精工計修繕原本刷印裝潢各項經費共用銀十一萬兩有奇均由臣部隨時陸續撥發已於疊次

奏銷臣部經費摺內聲明除恭備進

呈暨預備

頒賞並

頒發京外各衙門外其餘均存儲臣部謹將此

次石印 大清會典全書二十部恭呈

御覽並進

監國攝政王二部又查照

頒賞方略成案開列應

行 頒賞王公文武大臣銜名其京師暨外省督撫各衙門暨駐紮各國使署擬請各

頒發一部作爲官書

敬謹皮藏俾資遵守謹分繕清單伏候

欽定再全書現已石印竣工原書卽由臣部送回內閣存庫所有石印

大清會典書成緣由理合恭摺具陳伏乞

皇上聖鑒謹 奏宣統元年二月初三日奉

硃批依議欽此

郵傳部奏覈覆京漢鐵路動用借款報銷摺

奏爲覈覆京漢鐵路動用借款報銷繕具清單恭摺會陳仰祈

聖鑒事前准軍機處鈔交卸辦鐵路大臣盛宣

懷奏京漢鐵路全路動用此款收支表冊造銷完竣一摺單一分光緒三十二年十月二十三日奉

硃批該

部知道單併發欽此嗣准農工商部將該大臣造送華洋表冊移交郵傳部前來臣等當即督飭司員詳細鈎稽查京漢全路正軌岔道共長二千五百餘里除蘆保一段純用部款業於光緒二十八年七月二十六日經外務部會同戶部奏准核銷外其自保定起至漢口止概係借用比款營造七八年動支數千萬其間賬目雖悉以法金爲本位然在華提款均按照市價兌換銀兩而各省平色又復不同華賬洋賬錯綜參伍頭緒至爲紛繁三十一年四月商部遵 旨派員會查路礦款項案內曾將該路截至光緒二十九年十一月十三日止大概情形查明開單

覆奏在案此次報銷自應將造送光緒二十四年起至三十一年止華洋表冊逐一覆校再以商部已經查明原單互相參攷綜其用款約分三類借款賠款暨北京公司賬項下純用法金上海道勝銀行出入項下純用規銀南北路工程項下純用洋例銀而均以洋例銀核結計此案收入借款賠款回息行車餘利等項共合洋例銀五千二百八十一萬八千八百九十六兩六錢六分支出歷年就本付息及全路工程行車經費等項共合洋例銀五千二百十三萬零八百十二兩零二分均經以散核總並以法金規統覈洋例銀就賬論賬尙屬相符擬准開銷收支兩抵應結存洋例銀六十八萬八千零八十四兩六錢四分此外尙有小借款法金十二兆五十萬佛郎克據原奏稱交卸時尙未動用等語此項結存銀兩並小借款佛郎克均應統歸前接辦鐵路大臣唐紹怡接案造報以重鉅款所有臣等覈覆京漢鐵路動用借款報銷緣由理合開具簡明清單恭摺會陳伏乞

皇上聖鑒再此摺係郵傳部主稿會同度支部辦理因款關華洋各賬節節調查是以覆奏稍遲又郵傳部右侍郎盛宣懷係原辦大臣並未到任例應迴避不列後銜合併聲明謹 奏宣統元年正月二十七日奉 旨知道了欽此

謹將核覆京漢鐵路自光緒二十四年七月十六日起至三十一年十一月全路告成日止收支各款繕具簡明清單恭呈 御覽 計開 舊管無項 新收項下 一據原奏單開收比國公司借款按照合同第一款英金四百五十萬磅合法金一萬一千二百五十萬佛郎克九扣實計一萬一百二十五萬佛郎克又收比法政府勻撥庚子年大賠款預墊法金四千九百七萬六千九百九十一佛郎克四十五生丁又借款未動用以前暫存比法銀行

算回短息法金四百四萬五千九百九十五佛郎克九十四生丁以上三項共法金一萬五千四百三十七萬二千九百八十七佛郎克三十九生丁按照華洋員呈送總核算處及比公司道勝銀行原册核作洋例銀四千六百五十四萬一千四百四十二兩四錢等語查該路借款賠款及比公司經理之款均按法金計算據抄送借款賠款賬目內開收借款法金一萬一百二十五萬佛郎克勻撥賠款法金四千九百七萬六千九百九十一佛郎克四十五生丁四次小借款法金二千二百三十九萬七千六百四十一佛郎克五十二生丁各項回息法金三百九十九萬九千五百九十一佛郎克八十四生丁共法金一萬七千六百七十二萬四千二百二十四佛郎克八十一生丁又比公司賬目內開收由借款賠款內提付各款法金五千九百六十一萬九千五百十三佛郎克十九生丁回息并繳還利息法金四萬六千四百四佛郎克十生丁繳回等款四十七萬八千四百七十五佛郎克二十六生丁共法金六千十四萬四千三百九十二佛郎克五十五生丁二共法金二萬三千六百八十六萬八千六百十七佛郎克三十六生丁內除比公司由借款賠款內提付各款法金五千九百六十一萬九千五百十三佛郎克十九生丁不再列收外實計法金項下共收一萬七千七百二十四萬九千一百四佛郎克十七生丁再除借款賠款賬目內四次小借款法金二千二百三十九萬七千六百四十一佛郎克五十二生丁業已提還又比公司賬內繳回等款法金四十七萬八千四百七十五佛郎克二十六生丁與支款對抵均不列收外實計列收法金折合洋例銀前數按照總散表册及册開折合洋例銀價詳加核對數目相符 一據原奏單開收比政府庚子大賠款在華勻撥規銀五十七萬六千二十九兩九錢八分又收各國聯軍庚子年算還取去料價規銀十萬四千五十七兩二錢五分又收上海道勝銀行算回短息規銀十九萬九千三百三十五兩六錢四分以上三項共規銀八十七萬九千四百二十二兩八錢七分核成洋例銀八十五萬一千三百二十九兩一分等語查該路由道勝銀行經理之款均按規銀計算據抄送道勝銀行帳目內開收比京提滙各款法金合規銀一千九百六十一萬六百三十六兩八錢三分比政府勻撥賠款規銀五十七萬六千二十九兩九錢八分各銀行回息規銀十九萬九千三百三十五兩六錢四分聯軍轉購料價規銀十萬四千五十七兩二錢五分漢陽鐵廠繳還比公司代付郭克利工廠規銀八萬七千四百九十七兩四錢八分車務處來款規銀四十七萬五千七十五兩繳回等款規銀一萬五千二百六十七兩二錢三

分共規銀二千一百六萬七千八百九十九兩四錢一分今除北京提滙各款漢陽鐵廠繳還比公司代付郭克利工廠款共規銀一千九百六十九萬八千一百三十四兩三錢一分原係法金折合規銀已於前款法金項下列收又車務處來款規銀四十七萬五千七十五兩併入下款南北路行車進款盈餘項下列收又繳回等款規銀一萬五千二百六十七兩二錢三分與支款對抵不再列收外實計列收規銀折合洋例銀前數按照散總表冊及冊開規銀折合洋例銀價詳加核對數目相符

郵傳部奏接收萍潭鐵路檔卷圖契摺

奏爲接收萍潭鐵路檔卷圖契恭摺仰祈

聖鑒事竊查萍潭鐵路原用官款修築經臣部與前督辦鐵路大臣

盛宣懷商妥改歸臣部管轄以符定制於光緒三十四年三月奏明並聲明侯盛宣懷文卷移交到部再行具奏等因奉

旨依議欽此在案茲准盛宣懷將初次築造萍鄉鐵路卷一宗接通醴陵軌道卷一宗續展至湘潭縣涿州卷一宗承運萍煤物料會訂腳價合同卷一宗與萍鄉煤礦互租地畝卷一宗自開辦起至三十四年三月止萍醴醴涿收支報冊七本又萍鄉安源至宗家坊止地契一百六十六張宋家坊至醴陵陽三石止地契萍界七百四十八張醴界七百零五張陽三石至涿州止地契醴界二千五百五十七張潭界八百九十三張並各副契領狀總分地圖分別咨送前來均經臣等督率司員照數點收逐一編輯以備查核至該路收支報冊截至光緒三十二年月底止業經臣部會同度支部奏明核銷有案其三十三年正月起到三十四年三月止收支報冊亦經盛宣懷咨報到部一俟核明再行會奏所有接收萍醴鐵路檔卷圖契緣由謹恭摺具陳伏乞

皇上聖鑒謹 奏宣統元年正月二十七日奉

旨知道了欽此

公牘錄要

農工商部札飭各省商會招商檢送陳列物品文

爲札飭事本部勸工陳列所於光緒三十四年三月間曾被延燒所有陳列各品悉遭焚燬旋經奏明擇定本部工藝局地方重建新所調取各省貨品以備陳列前已咨電各省督撫飭屬遵照辦理在案茲據該所文稱新建房舍約於今夏竣工應行陳列各品亟須預備擬請函致各省督撫札飭商會速籌解送事關工業前途自應廣詢博采

力求美備以爲觀感之資等語據此合亟札發表格一分札到該商務總會遵照格式內開各款通告商民各就本地製造土貨最優之物品有願寄售陳列者或由該商會轉送或由商人徑送京師勸工陳列所以備陳列札到仰即轉飭各分會一體遵照迅速辦理以期不誤開辦爲要切切此札

運司詳蘆綱認附津浦鐵路股票作爲公共股分文並批

爲詳請事案查前經本司詳蘆商認附津浦鐵路股分先向銀行借銀由新增加價餘款分年歸還一案奉 批據詳已悉查此項包交鹽斤加價係按每引一兩四錢攤交曾經詳咨令即造冊報銷有案今既將餘款議還該商等認附津浦路股借款應否咨部立案將來借款還清所有股票是否作爲通網公共股分詳內未經叙及仰仍核議詳覆核辦此繳等因蒙此查新增加價尙未報銷今將餘款還商認附路股歸還借款若咨部立案設奉駁提轉多周折似可毋庸咨部至股票應否作爲通網公共股分論飭綱總核議稟覆去後茲據綱總商人楊俊元等稟稱竊商等奉到諭飭以蘆商認附津浦鐵路股分先向大清銀行借款由新增加價餘款分年歸還一案將來借款還清後應否作爲通網公共股分飭商等核議稟覆等因奉此伏查此項債票原擬作爲通網公共股分惟新增加價餘款當日實交加價各商引數不同其餘款亦自有多寡今若作爲公共股分實於分給餘利時未能平允卽如天津向不呈交此項加價而青靜滄鹽等處所領代銷亦不呈交此項加價又如京引各商僅交加價之半數勢難一律均分商等擬按各商實交銀數詳細核算某商實交此項餘款若干即得股分若干以期彼此毫無損益庶昭公允然津浦鐵路章程現時籌集者係屬債票俟十年還債時乃作爲商股且現在所領債票皆係整數又改爲金鎊勢難劃分只得暫作爲公共債票將來領到股票再行按股均分所有津浦鐵路債票暫作爲公共股分將來按照實交銀數分給股票緣由伏乞恩准立案實爲公便等情據此除稟批示外理合具文詳覆 憲台查核爲此備由具呈伏乞 照詳施行須至冊者

督憲楊 批據詳已悉應准照辦此繳

造幣津廠詳阮貞元侯良登二員礙難裁撤文並批

爲詳覆事竊照職廠現奉 憲台札開案查前奉 上諭嚴飭崇儉節奢令將掛名津貼之款項認真淘汰等因

當經本部堂將各該局所總會辦及隨辦各員嚴加裁減一面通飭將提調以下掛名各員司由各該局所認真裁汰在案茲據該廠開摺呈請示遵前來查該廠提調阮貞元繙譯侯良登自應裁汰合行札飭札到該廠即便遵照自本年正月起停支薪水此札等因奉此自應轉飭遵照惟提調爲承轉之員有稽察闡廠勤惰之責尋常事件皆由提調經理似未便竟行裁減其繙譯一員因有洋人專司化驗須通習洋文化學者爲之繙譯以免隔閡俟守良登自開局供差六年之久除譯務外有領事往來及礦局洋商交涉之事均由侯守辦理職道等一再籌商此二員似皆廠中不可少之員昨經面陳 鈞聽荷蒙 俯允合無仰懇 憲台免其裁汰以資臂助之處出自 逾格恩施再職廠員司共計三十二人均係各有專司並無掛名不辦事之員嗣後體察情形或有可裁節之處再當隨時稟陳以副 憲台綜核名實之意所有職廠提調繙譯請免其裁減緣由理合具文詳請 憲台鑒核示遵伏乞

照詳施行

督憲楊 批據詳提調阮貞元繙譯侯良登二員既係該廠辦事之員姑准仍留原差仰卽飭遵其餘各員司如有可裁之員仍隨時稟請裁撤以節糜費繳

商人晉有孚等稟請津武口岸改歸商辦文並批

爲津武口岸仍請改歸商辦懇 恩俯准以符綱章而維鹽法事竊津武口岸自光緒三十三年七月間原辦商人振德限期屆滿當經商等屢次具稟公舉綱總商人王賢賓等公同接辦每年報效二萬兩蒙前運憲周轉奉 前督鹽憲袁批飭令承辦之商每年報效十二萬兩限二十日具覆否則提歸官辦等因旋因稟覆稍遲卽歸官辦復蒙前運憲周面諭綱總應俟官辦數月體察情形再爲稟請設法挽回等因當於是年十二月具稟懇求運憲仍未邀准商等本擬再行續稟又以官辦方及數月究竟實能獲利若干當未核清若再稟求必以爲口岸盈餘不止十二萬兩故特隱忍未言今已年餘果否每年能得餘利銀十二萬兩當在 憲台洞鑒伏查津武口岸處五大河之下游爲通綱緊要門戶非熟悉汛務家道殷實並通綱全名列保者不能接充是汛務能否得力與各岸利害相關此商等不得不注重於口岸者也查歷屆口岸限滿必令熟悉汛務之綱總接充一則顧全通綱二則爲藉此調劑緣綱總爲通綱首領凡督催課款理處訟事及查辦稟覆各件任重事繁毫無津貼故前升運憲李詳院立案定爲

口岸必由綱總輪充以資酬勞前奉有報效十二萬兩之諭無論綱總商人不敷擔任即現時札委之倉總辦如以十二萬兩責成報效亦必立時辭差是官辦口岸既不能如願相償如還歸商人每年餘利若干亦自瞭如指掌商等擬仍公舉綱總商人王賢賓等及向在公所辦事素為商等所仰賴之數商公同接辦每年報效二萬兩以備新政之需商等非為謀利起見委因口岸既與全綱有密切關繫由商辦則商與商自能隨時接洽非似官辦則勢分較殊致生隔閡茲幸逢我 仁憲慈惠為懷愛商如子凡有籲懇無不曲予周全況此津武口岸為商家固有之產仍歸商人其事至平其機甚順而商等感激 憲恩當無涯涘矣除稟運憲外為此合詞懇乞 督鹽憲大人俯賜批准仍將津武口岸歸商接辦以符綱章而維鹽法實為公便上稟

督憲楊 批據稟已悉案查光緒三十三年六月間蘆商振德承辦津武口岸五年期滿袁升部堂因該口岸近年銷鹽甚旺獲利較多而天津等處所辦公益之事經費支絀需款甚殷接辦商人應定以每年報效現銀十二萬兩以資挹注如不能認即改官辦限二十日定議等因嗣因逾限未據稟覆即將該口岸改歸官辦計自是年七月起迄已十有八月官辦鹽務究竟獲利若干公益經費如何分撥該商等仍請改歸商辦是否可行據稱每年報效銀二萬兩能否酌量加增既據分稟運司有案仰該司切實查明悉心體察妥議詳奪抄由批發

豫撫吳札委三司兩道監理諮議局籌辦處文

為札委事案查前准憲政編查館咨以現在諮議局尚未成立各省應就省會地方先行設立該局籌辦處由督撫欽遵 諭旨選派公正明達官紳創辦其事等因查諮議局事關重要亟應遵照 部咨事理先行設立籌辦處以便次第規畫現擬參照直隸章程派委總辦一員總理處中一切事宜並派三司兩道公同監理以便將該處詳細章程及應派辦事人員應籌辦公經費逐一會同商酌妥善呈候核奪查有直隸候補道錢道鏞堪以派充諮議局籌辦處總辦除飭知並分行外合行札飭札到該司道即便遵照監理諮議局籌辦處會同該處總辦照前開各事理悉心籌畫辦理一面速定開辦日期具報並分別移行一體知照此札

文告錄要

督憲批示錄要○天津道詳唐官汛屯千總呂長清飭回本任並令外委王桂棠專管閘座由 批如詳分飭遵照

仍查取呂長清任事日期履歷開摺詳咨此繳○礦政局詳違飭核覆曲陽縣擬判趙邦俊私賣礦產案情由批如詳辦理仰即轉飭該縣遵辦繳○山東嶧縣中興煤礦公司稟報開用關防日期由 批據稟已悉候咨農工商部查照繳

藩台批示○柏鄉縣紳董保留縣令馮汝驥暫緩交卸由 批查此案現據趙州詳請到司因查紳民保留官長有

干例禁且柏鄉一缺已詳飭新選是缺之左湘鍾赴任業經照例批駁所請仍不准行此飭

學台批示○德人李璧稟在保陽城內創設德英法三國語言文字以造就譯才一案 批據稟在保陽城內創設

德英法三國語言文字學堂造就譯才具徵灌輸歐化熱心教育應准試辦惟該處非通商口岸可比務望輯睦

地方士民整飭學堂規律以期相安實所殷盼此批○陳家村民立第四十小學學董陳忠稟拖欠牲價懇恩

傳追以補學堂經費一案 批此案前經抄稟行勸學所查照飭知仰仍聽候勸學所查核處理毋庸多瀆此批

保定大慈閣閱報社牌示○照得本處除購報外所有常年捐助各報開列於後 計開 直隸農務學堂堂常年捐

助農務官報一份 直隸警務官報局常年捐助警務官報一份 清苑縣勸學所常年捐助選報一份 保定

益聞派報社趙君雲章常年捐助醒獅報兩份

附錄天津官事○督憲札委候補道熙觀察臣會辦永七鹽局事宜

電報錄要

路透電○歐洲近東交涉現甚吃緊或戰或和全視列強在塞京壓力如何聞塞非亞政府亦願借列強之壓力止

息戰禍現歐洲各處對於近東交涉議論紛紛惟英京仍守緘默

又電○英皇以蓋爾德大勳章賜英國德哈穆伯爵

又電○坎拿大首相魯理爾氏在下議院演說有人譏刺坎日協約問題甚屬不合因該約可保坎日商務現日本

已實行限制日人入坎之律

又電○德議院現議撥五十萬馬克以便協助德國輪船公司擴充紐智尼亞(英屬)航務

柏林電○德美兩國議訂商務執照之約現已簽字

又電○德政府現派前任駐美參贊威丹伯克伯爵為駐埃及京城總領事以繼伯恩圖爾夫伯爵之任聞伯氏現

授爲駐美全權公使

又電○俄皇在冬宮接見布國親王福丹南德氏晤談一小時之久

新政紀聞

政治

合肥選舉調查事務所簡章○一本所爲本邑初選舉調查事務而設俟初選舉事畢卽行撤銷 一本所由邑尊監督其事務所原應設於署內嗣因官舍窄狹附設於考棚藉資便利 一本所設坐辦三人常川到所總理其事爲名譽職員不支薪水 一本所設書記員三人職掌繕寫冊簿往來信件一切事務酌支薪水 一本所設庶務員會計員以一人兼任酌支薪水 一本所擬分城鄉爲十區每區設調查員三人夫馬費以路程遠近日期長短酌量支給不另支薪水 一本所調查員舉定應先期在所研究調查一切方法(約三四日)以期明晰 一本所辦事經費由官紳合籌數用爲度 一本所凡屬調查一切手續另有細章 一選舉調查事關重大又屬創舉本所以輔助初選監督辦理一切事務爲宗旨總期周到毋違定章最爲要義

籌辦初選舉事務所○江西諮議局籌辦處業於去歲成立所有各州縣選舉事宜自應次第籌辦迭經籌辦處札催在案茲德化邱令近以初選舉期限已逾爰於正月十六日邀集紳董數人在 聖廟武更衣廳內會議開辦是日卽將初選舉事務所籌辦成立云

外交

呈請保護遊歷外人○督憲據津海關道呈英人馬陳太由津赴直隸奉天吉林黑龍江等省游歷又英人華峯春擬續往山東游歷又德國女教士謝寶琴赴直隸等省游歷又德國兵隊守備魏利士赴山西省一帶地方游歷各等情除咨外務部暨各省大府外已分別札屬照約保護矣

萬國禁煙會第五次開會○上海萬國禁煙會於正月二十日開第五次會議勃倫野君報告關於印度與白賣之鴉片及嗎啡情形至十二時三刻散會下午二時一刻續議法領事巨籟達君報告法蘭西對於鴉片情形並報告法租界禁煙事宜已經定有辦法葡萄牙領事報告麥沾地方之鴉片情形並言俟得有本國政府詳細通知

再行報告云云澳大利意大利及波斯諸國須至星期五日方有報告俄羅斯之報告則尙在其後是日三時半散會並定於星期五上午開第六次會議云

電鈔禁煙會議案○上海道奉外務部來電飭將萬國禁煙會內現下提議各節迅即調查摘略先行復部核辦云云現聞蔡觀察已函請領袖領事查鈔矣

學務

元甯學會舉定會長○江甯元甯府縣教育總分會於上月十四日開常年大會一則公舉正副會長及幹事各員一則提議事件茲府會公舉仇君徐之濮君仲厚縣會則舉寶君田萊爲正會長章君厚之程君漱青爲副會長評議員以陶君席山程君一夔張君曾璧顧君花岩任之其餘調查庶務書記各職員則仍其舊云

調查員隨同考察學堂○沈觀察瓊慶奉部派考察江甯水師學堂早已竣事現已定期北上再赴煙台考查水師學堂事宜惟觀察以黃大令裳治在甯辦理學務多年知之有素特商調該員隨行以資臂助均於上月二十一日東裝就道矣

嘉獎學使提倡學務○浙江支學使前日詳報辦理學務情形茲奉增中丞批云據詳已悉該司抵任以來實心提倡浙省學務如注重師範畢業者數以千計籌設校所加添者數以倍計於女學則申嚴禮防於小學則保存國粹振興實業先培留學之人才統一機關規定各員之職守各屬之勸學所教育會既已次第成立統計表冊教育官報無不總核詳明以學畫之精心促文明之進步具徵成績嘉佩良深仰即隨時督察力謀擴充俾浙省教育前途日臻發達本部院有厚望焉

軍政

札飭各團隊長自行觀兵○江南陸軍第九鎮徐固卿統制以新正例應舉行全鎮閱兵分列式以觀軍容惟現在國制未滿百日所有前項禮式應行停止特飭各標營團隊長於開操之日在本標營內或附近操場飭令所屬整隊觀兵切實舉行仍將觀兵情形報告備查故駐鎮三十五標新軍統帶李文升已奉札遵照

巡防編爲左右兩翼○皖撫於客冬檄飭黃守鳳歧前往河南招募巡防三營刻已招足率帶來皖點驗成軍惟以

省城原有中路巡防五營合此新招之軍已有八營即行分作左右兩翼仍派劉參戎利貞黃太守鳳歧分別充當統領

示知盤查軍械辦法○川省警察總局以現值人心浮動軍械出入更當加意稽查因於日前發出示諭凡攜帶軍械來省者如係陸軍暨巡防各營即由該局驗明營哨及槍枝各號碼准其攜帶入城如係各州縣練丁護勇因護送公件銀鞘來省者到城之日即赴盤查局報明地方及來省事由將槍枝等件繳存該局轉給憑單出城時再行領回倘非各營兵勇及各縣練丁而攜帶軍械者一律扣留查究

甘督電調陸軍將校○鄂督陳夔龍准甘督電稱敵省近因推廣練軍應需教員六員查貴省留日陸軍將校陳漢勳鄧錦彪左樹德袁衛國李傑王之佐等六員堪以勝任特咨請貴督速派來甘以資訓練陳夔龍帥刻已札飭張統制轉知該教員迅速遵照前往

實業

工商研究紀略○月之初四晚天津瓦木兩工合併研究仍在東馬路工商研究總所內首由會員孫恩吉提議現今瓦工鋪墊地基往往有塌陷及破裂之弊殊不堅牢以致各主顧均以瓦工技藝濇草為詞名譽攸關亟應公同研究嗣由杜會長寶善云中國鋪打地基向止講求用幾鋪土夫以土打地無論打若干鋪亦斷不能如外國鋪地之用賽們德土加以石子十二成之七洋灰一成砂子二成中國灰二成堅固耐久復由孫會員云鋪地如無石子或用磚塊及砂子七成洋灰三成拌合一處平鋪一尺俟晾乾再鋪亦可經久惟洋灰與中國石灰性質不能相合恐難適用繼由杜會長云洋灰與中國石灰性質尚無不合前已屢經實驗惟洋灰若用三成恐價值太昂不無阻碍嗣由胡會長成泰提議建築房間西洋最講求又木枕之法現在此法業經通行中國昨已試辦兩次頗極巧妙等語是晚又為鞋商分會研究之期首由曹總會長提議前擬整頓鞋商不令擺攤影射售賣靴鞋一節目下想已實行曾否已有效果嗣由該分會會長宋少卿云前上商會之稟刻尚未奉批示一俟批准擬將所有稟批石印多張分送各鞋商飭其遵照再由敵分會分路派人偵查以期整頓而便實行繼由宋總會長演說斯密亞丹原富論末由會員馮鑄演說前擬聯合各號公同集議無論門市發行均訂一言不二價章程務望大家竭力籌議實行不勝盼望云

第十七條 本所概不征收學費其各學員一切膳宿費用擬定每月三元川資視程途遠近酌定均應由各該廳州縣自行籌給以資接濟而廣造就

第十節 義務

第十八條 各學員畢業以後應即各歸本籍凡關於自治事宜務稟承地方官廳悉心籌畫以盡相當之義務不得任便去就致失設立本所之原意

第十二節 增則

第十九條 本所增設旁聽席無定員以講室能容爲度其章程另定之

第二十條 本所章程經撫憲核准後即作爲實行之期如有應行更易之處應由本局隨時稟請撫憲核准改正施行

山西諮議局籌辦處擬定各廳州縣自治講習所簡章

第一節 宗旨及定名

第一條 本所爲預備實行地方行政而設以養成普通自治能力爲宗旨即定名某廳州縣自治講習所

第二節 校地

第二條 本所因急於應用不必另行建築以借佔公共地址足敷講授之用爲度

第三節 組織

第三條 本所管理人員以教育分會或勸學所員紳兼充之均不給薪水（如現時無此兩項人員得由地方官另行委任）教習一員專延法政畢業之本省官紳自由選訂不必拘定本籍其薪水均自行酌定

第四節 入學資格

第四條 本所招收學生之資格按憲政編查館會奏正章內所定第二章議員之第三條具有選舉權之資格五項第六條具有不得有選舉權及被選舉權之八項遵照辦理

第五節 學員限制

第五條 本所學員以講室能容爲度惟每班至少須收四十人每處畢業至少須接續三次

第六節 學科及授業時間

第六條 本所所講科目如左 一憲法 二地方制度 三選舉法 四戶籍法 五地方財政

第七條 本所授業時間每星期至少以十八小時爲限

第七節 修業期限及試驗

第八條 以三個月爲一學期一學期畢業

第九條 試驗分月終試驗及畢業試驗仍以分數計算判列等級月終試驗由教員管理員主之畢業試驗由地

方官會同本所人員考驗分別給予文憑

第八節 寄宿舍

第十條 本所可否設置寄宿舍各從其便應由各該廳州縣酌核辦理

第九節 附則

第十一條 本章程間有未盡或未便之處准由各該廳州縣體察本地情形變通辦理惟大體不得與章程觸背

四川商務總局詳定成都商務總會商業註冊章程

第一章 通則

第一條 本章程遵照奏定商會簡明章程第十八十九二十一等款而設名曰成都商務總會商業註冊章程

第二條 註冊所成都於總會置之此外於附屬本總會之各分會置之各商家各就其商業所在地之註冊所註

冊

第三條 註冊分三種如左

一 商號註冊

二 公司註冊

三 憑據註冊

署順義縣桂令瑞霖稟添設巡警傳習所暨現辦巡警章程巡兵規則送請查核文

粵東廣九鐵路總局詳呈郵傳部購定漢陽廠鐵軌等件文

十五日

學部通咨京師督學局暨各省大府詳查大學堂師範畢業生効力義務情形文

督憲楊准郵傳部咨京津電話銅線又被竊割請行巡警局一體嚴緝照會巡警督辦通飭遵照文

督憲楊准民政部咨考取警察畢業生李基常等九名照章咨回原籍查看酌用札飭警務處轉飭遵照文

署廣昌縣張令偁稟設立統計處請立案文

十六日

度支部咨東撫山東造幣分廠咨送清冊數目相符文

直隸農務總會詳核議高陽縣農務分會章程文

天津縣議事會申天津道擬開水利情形文

天津商會移請學台變通中等商業簡易科畢業辦法文

十七日

督憲楊咨覆郵傳部商人楊蔭培等所辦曲陽縣白石溝煤廠擬修小鐵路請飭該州縣丈量地畝文

直隸籌款局詳請咨行山東飭查煙稅章程并泰安稅局現行辦法文

陶道湘稟會勘獨石口廳銀礦情形文

十八日

督憲楊准農工商部咨職商趙汝湧等擬在順屬香水峪試勘礦產請飭查明報部札飭礦政局查覆文

督憲楊准呂大臣電派員偕同總工程師司等查勘津浦路綫札飭各該州縣照料保護文

順德府重守煥稟鉅鹿縣鄉民刮土熬鹽情形又稟鄉民聚衆淋鹽請兵彈壓巡防文

河南臬司詳撫院擬建新疆所情形文

十九日

督憲楊准民政部咨上海職董周晉鑣等創設貧兒院行令飭屬做辦札飭司道轉飭遵照文

蔡道紹基李道德順詳與漢納根訂定合辦井陘礦務合同應否奏明立案文

津海關道詳醫學堂內設試驗微菌室自四月分起支經費請飭支應局查照文

北洋巡警學堂稟職堂本年開學加招新班增添學科並擬從第六期新班起酌加高等年限文

直隸賑撫局詳遵飭提款派員購糧赴隆鉅一帶設局

平糶文

延慶州周牧文藻稟種植局董勸種樹株成效已著請

獎勵文

二十日

督憲楊准農工商部咨商人古貽堂擬辦宛平縣屬門

頭溝煤礦事札飭礦政調查局查辦文

學司詳直隸師範學堂優級文理兩科畢業生請分別

奏獎文

直隸水利局詳覆籌議北運河鹽河各河隄工從緩辦

理請查核文

豫省土藥統稅局稟撫院整頓本銷情形文

二十一日

督憲楊准外務部咨各國游歷人不准測繪要地札司

通飭遵照文

吳橋縣龔令慶霖稟變通巡警辦法請批示文

二十二日

督憲楊准農工商部咨密雲副都統試辦煤礦咨領執

照事札飭礦政調查局查照前案詳查具覆文

督憲楊准郵傳部咨順德黃河間鐵路道釘被竊事札

飭嚴行查緝文

學司詳覆直隸沿海並無可與韓國通漁之處文

營田局詳營田溝渠乾涸稻秧枯槁請提九宣闡放水

文

直隸全省警務處稟京張鐵路工役衆多請飭宣化鎮

派兵彈壓文

直隸營田局稟覆核議張道籌擬營田辦法文

二十四日

督憲楊准農工商部咨派章京赴張家口考察農林礦

產墾牧商埠札飭口北道遵照文

平山縣余令廷珪稟整頓警務開設傳習所情形文

故城縣姜令稟開辦警務傳習所情形文

郵傳部派赴日本調查路政委員呈報調查情形文

二十五日

署大名言鎮緝私總局何道稟奉委會同查禁勸諭鉅

鹿確匪滋事情形業已和平了結文

霸州稟開設第四次觀摩會並設巡行教習文

延慶州周牧文藻稟盤獲棍徒假冒知縣希圖招搖訊

供情形文

鉅鹿縣涂令福田稟確匪勾結聚衆刮土淋鹽一案現

已查禁拏獲首從各匪辦理情形文

得利文齋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造砮蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鑲子表墜大小八音盒並留聲話匣單雙桶千里眼砮蘭磨花穿衣鏡妝梳洋鏡本行主人啟

日本最近政學調查記廣告

近來游歷日本冠蓋相望日記一書浩如煙海求其見聞確實鈎玄纂要者每不多觀膠州逢馥齋觀察承項城袁樞相之命赴東攷察政治游歷匝年於政治議會察裁判監獄軍事學務農林漁業鐵道銀行無不各有心得洞見源流是以載筆成書原原本本網羅無遺復經日本大隈伯爵高田博士贈以序文推其典麗翔實得未曾有自嘉應黃氏之日本國志德清傅氏之日本圖經外得此而三久為各當道稱許現當預備立憲時代有欲研究政學者乎曷手一篇耶所印無多賜顧者請速購為盼

寄售處

天津河北獅子林北洋官報局
新考工場內路南教育圖書局

及各大書坊

定價大洋一元四角

瑞林祥元記

本號開設（北京前門外鮮魚口）（天津估衣街中間路北）（山東濟南府院西路北）等處自置綢緞洋貨顧繡粧蟒花素貢絨絳各色抖蓬哈叻厚呢以及京廣什貨織絨綫貨各色俱全貨高價廉劃一不二中外紳商賜顧移玉是幸

瑞林祥元記具

武齋洋行

本行開設天津於茲二十餘年自運各種洋貨絨紗布匹綢緞繡化屏風鏡額磁銅料器珞藍奇巧美術玩器日用雜貨俱全學界文房用品旋行携帶等件精工裝身物料定織各色蓆氈如蒙官商光顧價值格外從廉貨多不能備載本行隨便入覽

電話一千三百七十四號

天津法租界

武齋洋行謹啓

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋督憲袁所咨准農工商部註冊立案
 年購到外洋最新式機器全副去臘業已開機所出之灰足敷主顧購用尙有製
 考驗拉力結力俱高外洋之貨且機器加大出灰足敷交易均可本公司總
 設在天津英租界先農公司對面並於北京烟台上海漢口等埠均設
 分處銷路廣遠如蒙各界光顧請向本公司各埠分處接洽
 所信不待贅述所有本公司各埠分處均設有辦事處
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司舉行股東會議

敬啟者本公司現屆第二次派利謹擇於二月十六日
 下午二點至六點鐘舉行股東會議座設海大道英租
 界本公司總理處務祈有股 諸君於是日未刻 惠
 臨集議爲盼 本公司謹啟

京師自來水公司提前付給官利廣告

查本公司定章二月會議三月付利原爲年終結賬盈餘紅利諸待核算現在創始工程正在開辦股東會尙未成
 立且未開市售水並無紅利可結現蒙 直隸督憲按照奏案籌撥官款保息以昭大信業已如數撥到爰將各股
 東自交股之次日截至光緒三十四年年底所有應得八釐官利提前付給茲特與天津銀號商定代付官利辦法
 凡各股東有願在京城取息者不論當年初係在本公司交股或在天津掛號聲明以便知會所
 願在外埠原交股處取息者聽惟此埠股東或願改赴彼埠取息者須預先一個月到原埠掛號聲明以便知會所
 指之處屆期照付免致不能接洽現定京城自正月十六日起外埠自二月初一日起請各股東持收條迅速往換到
 各該處支取息銀特此廣告再所有股票業於年前分寄各交股處尙有未經換取者請股東持收條迅速往換到
 以奉聞

付利處天津銀號住址

北京東安門外 天津北馬路 張家口下堡大新店內
 保定北大街 唐山大街路南 漢口永甯巷上首胡同昇首飾店對過

欲為諮議局議員者臨金
總發行所上海商務印書館分設
奉天 天津 太原 漢口 福州
濟南 開封 重慶 長沙 廣州

今年九月各省開辦諮議局 議員責任綦重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論七角 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典每冊五角 法規大全解字四角

◎憲法書 政治學及比較憲法論二元 憲法研究書一元 憲政論五角 日本憲法義解三角 日本預備立憲過去事實五分 立憲國民讀本三角 日本議會法規四角 議會政黨論五角 十六國議院典例一元 日本議員必攜角 日本憲法義解三角

◎地方自治書 日本議會法規四角 議會政黨論五角 陸市政論四角 地方自治財政論五角 地方自治淺說三角 此外政法書 憲政論五角 日本憲法義解三角 日本六法全書一元 比較國法學七角 國法學行政法汎論一元 行政法各論六角 民法原論二元

◎政治 有則列國政要三元 政治學一元 那特硬政治學四角 政治汎論一元 二冊定價 萬國國力比較 六冊定價 嚴復社會通詮一元 嚴復羣學肄言一元 嚴復羣己權界論八角 財政有則經濟通論七角 理財新義二元 英國度支考四角 國債論三角 計學教科書一元 理財學講義四角 計學淺訓二元 教育有則日本明治學制沿革

史五元 歐美教育實際二元 德國學校制度四角 警察有則警察講義錄十四冊 雖卷帙較繁 議員苟有餘力而兼治之則受益無窮矣 尚有諮議局章程箋釋四冊 諮議局章程要義五分 諮議局調查須知五分 諮議局選舉須知一角 諮議局章程表解三九 人人所必讀無待贅言也 (河北大胡同電話)

天津商務印書館廣告

京奉鐵路局廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽每人收車脚洋三元另印專票交由該站長公司售賣並飭不准額外需索惟此項買票搭車之人必須實係小工不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如查有冒混或半路輾轉售票情事輕則照章究罰重則送由地方官懲治其各凜遵特此廣告

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

保定法政學堂續招自費學員廣告

資格 以文理明通身體強健確無嗜好年在四十以下之各省舉貢生監及候選人員爲合格本省候補人員另由 各大憲考送不在
 此內
 年限 遵照學部奏定法政學堂別科章程三年畢業
 學科 遵照學部奏定法政學堂別科課程辦理
 獎勵 遵照學部奏定法政學堂別科畢業獎勵章程辦理
 學費 每年按月收學費洋銀參圓分兩期繳納均於開學之先繳齊不
 在堂食宿操衣靴帽由堂代辦由學生備價有能照式自辦者聽
 入堂之先外省人取具同鄉官保結本省人取具確實舖保並繳
 保證金二圓
 報名 自二月初五日起在保定藩署本堂報名隨帶四寸像片一張自
 書姓名於上無像片者概不收考限本月十四日截止十五日考
 試

急告

開市到七年紀念少算八扣

竹材傢俱屏風
花簾東洋花

天津日本租界旭街

澤洋行

自正月十九日至二月十八日間

電話二百五十號